



Kesyon yo Poze Souvan Enfòmasyon sou Pwogram Ekonomize pou Inivèsite a

Ane Akademik 2025-2026



5 Bagay Prensipal Fanmi yo Ta Dwe Konnen

1. Tout fanmi ki gen elèv nan klas jadendanfan, premye ane, dezyèm ane, twazyèm ane, oswa katriyèm ane ki enskri nan yon lekòl leta Vil Nouyòk (ki gen ladan yo lekòl endepandan [charter schools] k ap patisipe yo), elijib pou patisipe nan Pwogram Ekonomize pou Inivèsite (Save for College Program), kèlkeswa revni oswa estati imigrasyon yo.
2. Si l elijib, pitit ou a ap **otomatikman enskri** nan Pwogram nan sof si w chwazi pa patisipe epi w anile enskripsyon li.
3. Lè w fin enskri, w ap resevwa yon Ti Liv Byenvini ki gen enfòmasyon sou fason pou aktive Kont Bousdetid NYC (NYC Scholarship Account) gratis pitit ou a ki gen yon montan inisyal \$100 sou li ke NYC Kids RISE depeze nan non pitit ou a.
4. Lè w fin aktive Kont Bousdetid NYC (NYC Scholarship Account) pitit ou a, ou ka pase lòt etap fondamantal yo—yo rele yo Blòk Konstriksyon—pou w resevwa rekonpans adisyonèl.
5. Lajan ki nan Kont Bousdetid NYC (NYC Scholarship Account) yo ka sèvi pou divès kalite depans pou inivèsite ak fòmasyon pwofesyonèl.



1. Kisa Pwogram Ekonomize pou Inivèsite (Save for College Program) NYC Kids RISE la ye?

Pwogram Ekonomize pou Inivèsite (Save for College Program) NYC Kids RISE la se yon pwogram bousdetid ak epay ki fèt pou rann inivèsite ak fòmasyon pwofesyonèl pi aksesib pou tout elèv lekòl leta Vil Nouyòk yo kèlkeswa revni oswa estati imigrasyon fanmi yo.

Apati jadendanfan, tout elèv ki enskri nan yon lekòl leta Vil Nouyòk (ki gen ladan yo lekòl endepandan [charter schools] k ap patisipe yo), resevwa otomatikman yon Kont Bousdetid NYC (NYC Scholarship Account) ki gen yon montan inisyal \$100 yo depoze pou fòmasyon siperyè yo, sof si paran oswa responsab legal yo “chwazi pa patisipe” nan Pwogram Ekonomize pou Inivèsite (Save for College Program) nan. Fanmi yo kapab resevwa rekonpans bousdetid adisyonèl ke y ap depoze sou kont sa a lè yo louvri ak/oswa konekte yon kont depay pou inivèsite ak karyè ke yo genyen nan non pitit yo a nan kad Pwogram nan. Apresa, fanmi yo ka kòmanse ekonomize nan fason ak montan ki fè sans pou sikonstans finansyè yo. Kominote yo ka kontribiye ansanm tou pou yo mete lajan anplis sou gwoup Kont Bousdetid NYC (NYC Scholarship Account) elèv yo atravè Bousdetid Kominotè yo pou demontre ke kominote yo a ap sipòte reysit chak timoun.

Lajan yo depoze sou Kont Bousdetid NYC (NYC Scholarship Account) yo investi nan yon kont New York’s 529 College Savings Program *Direct Plan*¹ ke NYC Kids RISE, yon òganizasyon ki pa gen kòm objektif pou fè pwofi, posede epi jere, nan non elèv k ap patisipe yo.

2. Poukisa yo te kreye Pwogram Ekonomize pou Inivèsite a (Save for College Program)?

Li ka difisil pou ekonomize pou edikasyon fiti yon timoun. Pou anpil fanmi, voye pitit yo nan inivèsite ka parèt tankou yon bagay yo pa janm ka reyalize. NYC Kids RISE, nan patenarya avèk Vil Nouyòk la ak Lekòl Leta Vil Nouyòk yo, te lanse Pwogram Ekonomize pou Inivèsite (Save for College Program) nan pou ede fanmi yo kòmanse ekonomize epi planifye pou inivèsite ak fòmasyon pwofesyonèl depi premye jou lekòl pitit yo. Rechèch yo demontre ke timoun ki gen yon kont depay pou inivèsite ki gen ant \$1 ak \$500 gen twa fwa plis chans pou enskri nan inivèsite epi plis pase kat fwa plis chans pou yo gradye. Rechèch yo demontre tou ke timoun ki ale nan inivèsite touche yon salè ki lontan pi wo nan lavi yo epi yo gen mwens chans pou yo nan chomaj.

3. Kiyès ki elijib pou patisipe nan Pwogram Ekonomize pou Inivèsite a (Save for College Program)?

Apati ane akademik 2025 jiska 2026, tout elèv ki nan jadendanfan, klas premye ane, dezyèm ane, twazyèm ane ak katriyèm ane ki enskri nan yon lekòl leta Vil Nouyòk (ki gen ladan yo lekòl endepandan [charter schools] k ap patisipe yo) elijib pou patisipe, kèlkeswa revni oswa estati imigrasyon fanmi yo.

Tout elèv ki nan klas jadendanfan jiska klas senkyèm ane nan 39 lekòl pilòt nan rejyon jeyografik Lekòl Distri 30 yo elijib pou patisipe.

Elèv ki elijib yo dwe frekante yon lekòl ki fè pati pwogram nan pandan omwen 60 jou pou yo ka enskri nan Pwogram Ekonomize pou Inivèsite a (Save for College Program). Sof si w ta chwazi pa patisipe

¹ NYC Kids RISE pa ni afilye avèk, ni li pa yon distribitè otorize pou, New York’s 529 College Savings Program ni nonplis tou li pa solisite investisman ni li pa bay konsèy sou investisman. Vil New York la ak Depatman Edikasyon NYC (NYC Department of Education, DOE) pa ofri okenn andòsman oswa rekòmandasyon pou, ni yo pa kontwole, posede oswa afilye avèk Jesyonè Pwogram NY 529 la ak nenpòt opsyon espesifik pou epay pou inivèsite oswa lòt mwayen investisman, ki enkli opsyon oswa mwayen ke fanmi yo gen dwa vin konnen atravè Pwogram Ekonomize pou Inivèsite (Save for College Program) nan.

nan Pwogram nan, pitit ki elijib ou a ap otomatikman enskri nan Pwogram Ekonomize pou Inivèsite (Save for College Program) lan nan mwa Septanm lan oswa mwa Janvyè a. NYC Kids RISE ap kreye yon Kont Bousdetid NYC (NYC Scholarship Account) ki gen yon montan inisyal \$100 sou non pitit ou a.

4. Kijan pou mwen patisipe?

Si pitit ou a elijib, li fasil pou w kòmanse avèk Pwogram Ekonomize pou Inivèsite (Save for College Program) nan! Men kijan:

- **Annik pa fè anyen** lè w resevwa avi lekòl pitit ou a bay ki endike pwosesis pou Chwazi Pa Patisipe a kòmanse (w ap resevwa enfòmasyon sou pwosesis pou Chwazi Pa Patisipe a nan moman sa a).
- Apre pwosesis pou chwazi pa patisipe a, pitit ou a ap enskri otomatikman nan Pwogram Ekonomize pou Inivèsite (Save for College Program) a epi NYC Kids RISE ap kreye yon Kont Bousdetid NYC (NYC Scholarship Account) ki gen yon montan inisyal \$100 sou non pitit ou a.
- W ap resevwa yon **Ti Liv Byenvini** ki gen enfòmasyon ak enstriksyon adisyonèl NYC Kids RISE voye. Si w pa chwazi pou pa patisipe pandan sezon otòn nan, ou ta dwe kapab aktive kont pitit ou a nan kòmansman mwa Janvyè ane ki fèk antre a. (Espas tan kote w ka aktive kont pitit ou a ka varye si w enskri nan yon dat ki pi ta.)
- Apre w fin resevwa Ti Liv Byenvini w la, ale sou nyckr.org/activate-faq pou **aktive** Kont Bousdetid NYC (NYC Scholarship Account) pitit ou a. Apre w fin enskri oswa konekte w sou platfòm anliy lan, Siveyans Epay (Savings Tracker) la (yon pòtay sou entènèt kote paran/responsab legal yo ka wè Kont Bousdetid NYC pitit yo a), w ap kapab kontwole Kont Bousdetid NYC (NYC Scholarship Account) pitit ou a detanzantan. W ap resevwa enfòmasyon tou sou fason pou w franchi etap fondamantal yo nan Pwogram nan.

5. Kijan pati “bousdetid” la nan Pwogram Ekonomize pou Inivèsite a (Save for College Program) fonksyone?

Yon fwa pitit ou a fin enskri nan Pwogram nan, NYC Kids RISE ap kreye yon Kont Bousdetid NYC (NYC Scholarship Account) epi depoze \$100 sou li otomatikman pou avni edikatif pitit ou a. Paran ak responsab legal yo pa ka fè depo ni retire lajan sou Kont Bousdetid NYC (NYC Scholarship Account) yo, ke elèv k ap patisipe a ka itilize sèlman pou depans pou edikasyon siperyè ki kalifye yo apre li fin gradye. Apre yon tan, NYC Kids RISE pral ofri opòtinite pou fanmi w jwenn plis lajan pou Kont Bousdetid NYC (NYC Scholarship Account) pitit ou a. Òganizasyon kominotè yo, biznis yo, vwazen yo ak lòt antite yo kapab fè depo sou Kont Bousdetid NYC (NYC Scholarship Account) plizyè gwoup elèv yo pou ede pitit yo rive atenn objektif inivèsite ak karyè li.

NYC Kids RISE, yon òganizasyon san bi likratif, posede epi jere lajan bousdetid yo sou non elèv k ap patisipe yo, epi li envesti lajan sa yo nan NY 529 *Direct Plan*, yon tip kont envestisman ki fèt espesyalman pou ede ekonomize pou edikasyon siperyè. Kont Bousdetid NYC (NYC Scholarship Account) yo ka genyen oswa pèdi lajan ofiramezi tan ap pase, selon mache finansye yo ak randman envestisman an.

Si w se paran oswa responsab legal yon timoun ki elijib, toutotan ou pa chwazi soti nan pwogram nan, NYC Kids RISE ap kreye epi depoze lajan sou Kont Bousdetid NYC (NYC Scholarship Account) sa a sou non pitit ou a. W ap resevwa yon Ti Liv Byenvini ke NYC Kids RISE voye ba ou lè Kont Bousdetid NYC (NYC Scholarship Account) pitit ou a kreye.

Pou aktive epi afiche lajan bousdetid ki depoze sou Kont Bousdetid NYC (NYC Scholarship Account) pitit ou a detanzantan:

- Ou **PA** oblije depoze lajan
- Ou **PA** oblije bay Nimewo Sekirite Sosyal (SSN) ou, Nimewo Idantifikasyon Fiskal Endividyèl (ITIN) ou, enfòmasyon kont labank ou ni kat kredi w
- Ou **P AP** gen pou w bay enfòmasyon ekonomik ou ni enfòmasyon sou estati imigrasyon w
- **PA** gen revni maksimòm ni minimòm pou patisipe

6. Kilè mwen kapab aktive Kont Bousdetid NYC (NYC Scholarship Account) gratis pitit mwen an?

Pitit mwen an fèk kòmanse jadendanfan, klas 1ye, 2yèm, 3yèm oswa 4yèm ane nan yon lekòl leta Vil Nouyòk (oswa yon lekòl endepandan [charter school] k ap patisipe) pou premye fwa pandan sezon otòn 2025 lan

Ou kapab aktive epi gade Kont Bousdetid NYC (NYC Scholarship Account) pitit a nan kòmansman mwa **Janvyè 2026 la!** Lekòl ou a ansanm ak NYC Kids RISE pral fè w konnen lè kont pitit ou a pare pou aktive l.

Si ou deja aktive yon Kont Bousdetid NYC (NYC Scholarship Account) pou yon lòt timoun, w ap kapab konekte w ankò sou sitwèb nyckr.org/log-in-faq ou Siveyans Epay (Savings Tracker) epi pou ajoute nouvo timoun ki elijib ou a nan mwa Janvyè a.



Pou kounye a, jwenn plis enfòmasyon sou Pwogram lan nan nyckr.org/start-faq oswa patisipe nan yon atelye vityèl nan nyckr.org/events-faq.

Pitit mwen an aktyèlman nan klas 1ye, 2yè, 3yèm, oswa 4yèm ane epi li te nan yon lekòl leta NYC (oswa yon lekòl endepandan [charter school] k ap patisipe pandan Ane Akademik 2024-2025 lan

Si w pa t deside soti nan Pwogram nan, pitit ou deja genyen yon Kont Bousdetid NYC (NYC Scholarship Account) gratis ak yon montan **inisyèl \$100** pou inivèsite ak fòmasyon pwofesyonèl. Swiv etap ki pi ba yo pou aktive ak afiche kont lan epi pou **genyen \$25 anplis**.



Ale sou sitwèb nyckr.org/register-faq. Antre kòd postal lakay pitit ou a, dat nesans li, ak Nimewo Idantifikasyon Elèv li. Apresa, klike sou "Soumèt" (Submit). Ou kapab mande lekòl ou a pou sipò tou!

7. Kijan pati "ekonomize" a nan Pwogram Ekonomize pou Inivèsite a (Save for College Program) fonksyone?

Aprè pitit ou a fin resevwa Kont Bousdetid NYC (NYC Scholarship Account) li a, w ap resevwa plis enfòmasyon sou fason pou w kreye yon plan pou ekonomize pou inivèsite ak karyè ki bon pou ou ak pou fanmi w. Pou w ogmante lajan ki envesti sou Kont Bousdetid NYC (NYC Scholarship Account) pitit ou a, ou ka louvri epi/oswa konekte yon kont epay pou inivèsite ak karyè ke w posede nan avantaj pitit ou a atravè Pwogram nan.

Kontrèman ak Kont Bousdetid NYC (NYC Scholarship Account) la kote se NYC Kids RISE ki posede l epi jere l, se fanmi ou ki posede kont ke ou konekte a. Ou menm, manm fanmi w ak zanmi w ka kontribye dirèkteman sou kont sa a. Selon ki tip kont epay ou chwazi a, fanmi w ka swiv pwòp balans kont epay ou a ansanm avèk Kont Bousdetid NYC (NYC Scholarship Account) pitit ou a sou entènèt, atravè platfòm Siveyans Epay (Savings Tracker) NYC Kids RISE la.

Jwenn plis enfòmasyon sou opsyon kont depay ou yo lè w ale sou sitwèb nyckr.org/options-faq, patisipe nan yon atelye vityèl NYC Kids RISE nan nyckr.org/events-faq, lè w rele liy asistans telefonik nou an nan 833-KID-RISE (833-543-7473), lè w voye imèl ban nou nan info@nyckidsrise.org, oswa lè w pran randevou pou pale ak yon reprezantan NYC Kids RISE.

Epitou, ou ka pran yon randevou pou konsèy finansye gratis nan yon Sant Otonomizasyon Finansye NYC (NYC Financial Empowerment Center). Pran yo randevou nan nyc.gov/talkmoney.

8. Kisa yo ka fè ak lajan ki sou Kont Bousdetid NYC (NYC Scholarship Account) a?

Lajan ki sou Kont Bousdetid NYC (NYC Scholarship Account) la investi nan NY 529 *Direct Plan* epi yo ka itilize pou yon varyete depans pou edikasyon siperyè. Menm lè yo rele kont 529 la yon kont depay pou inivèsite, kont lan ka sèvi pou peye depans pou edikasyon siperyè ki kalifye nan nenpòt enstitisyon ki elijib nan peyi Etazini oswa aletranje. Anplis inivèsite kat lane tradisyonèl yo, gen lòt tip enstitisyon ki elijib ki gen ladan yo inivèsite kominotè, lekòl pwofesyonèl ak teknik, pwogram aprantisaj ki elijib, ak pwogram diplòm sou entènèt. Lajan bousdetid la ka sèvi pou frè eskolarite, pèman, ekipman, depans pou chanm ak pansyon, epi menm pou liv, ke souvan lòt bousdetid yo pa kouvri. Vizite nysaves.org pou jwenn yon lis konplè pou depans ki elijib pou edikasyon siperyè.

Si yon elèv nan Pwogram nan pa reklame lajan ki sou Kont Bousdetid NYC (NYC Scholarship Account) li a nan lesplas 20 ane apre li fini jadendanfan, lajan sa a ap retounen al jwenn NYC Kids RISE pou l sipòte pwochen elèv Pwogram Ekonomize pou Inivèsite (Save for College Program) yo.

Yo paka itilize lajan ki sou Kont Bousdetid NYC (NYC Scholarship Account) la pou okenn depans klas jadendanfan jiska klas 12yèm ane, menm sa ki kalifye selon lwa federal la.

9. Si mwen pa chwazi pou m patisipe, ki enfòmasyon NYC Kids RISE resevwa sou mwen ak pitit mwen pou l enskri pitit mwen nan Pwogram Ekonomize pou Inivèsite (Save for College Program) nan?

NYC Kids RISE resevwa enfòmasyon sa yo nan men Lekòl Leta Vil Nouyòk yo (NYC Public Schools) pou tout elèv ki patisipe:

- Nimewo idantifikasyon elèv la ki inik pou Pwogram nan;
- Non konplè elèv la;
- Dat nesans elèv la;
- Adrès lakay elèv la;
- Si adrès lakay elèv la chanje;
- Nimewo telefòn kay elèv la;
- Non lekòl elèv la;
- Nivo klas aktyèl elèv la;
- Lang yo pale a (yo) kay elèv la;
- Transfè ki fèt nan lòt lekòl, si sa fèt, andedan ak andeyò sistèm eskolè piblik Vil Nouyòk la.

NYC Kids RISE resevwa enfòmasyon sa yo tou pou jiska de (2) paran oswa responsab legal pou chak elèv k ap patisipe:

- Nimewo idantifikasyon inik paran an pou Pwogram nan;
- Non konplè paran oswa reprezantan legal la;
- Adrès imèl paran oswa reprezantan legal la;
- Nimewo selilè ak/oswa lòt nimewo telefòn paran oswa responsab legal la.

Se menm enfòmasyon ak sa yo ke w soumèt sou "kat ble" ("blue card") a lè w enskri pitit ou lekòl. Done sa yo pèmèt NYC Kids RISE kreye yon Kont Bousdetid NYC (NYC Scholarship Account) pou tout timoun ki patisipe epi fè yon depo inisyal \$100 sou chak kont yo. NYC Kids RISE swiv direktiv estrik sou konfidansyalite pou tout enfòmasyon fanmi yo bay.

10. E si mwen pa vle patisipe?

Pou w fè lekòl ou a konnen ke w pa vle pitit ou a enskri nan Pwogram Ekonomize pou Inivèsite (Save for College Program) nan, ou dwe siyen epi retounen yon fòmilè pou pa patisipe (opt-out form) oswa ou dwe chwazi pou pa patisipe nan Kont Lekòl Vil Nouyòk (NYC Schools Account) ou a nan yon peryòd 30 jou. Lè w pran youn nan desizyon sa yo, sa vle di pitit ou a p ap resevwa yon Kont Bousdetid NYC (NYC Scholarship Account), ni envestisman inisyal \$100 a, ni lajan alavni. Tanpri, al gade fòmilè pou pa patisipe a oswa ale sou sitwèb nyckr.org/NYCPS pou jwenn detay espesifik.

11. Si m chwazi pa patisipe nan Pwogram Ekonomize pou Inivèsite a (Save for College Program) kounye a, èske mwen ka enskri pitit mwen an yon lòt lè?

Wi, paran ak responsab legal ki pat patisipe men ki chanje lide yo apre epi vle patisipe ka enskri ankò annapre. Fanmi yo gen jiska fen klas senkyèm ane pitit yo a pou yo enskri l ankò. Ale sou sitwèb nyckr.org/NYCPS pou jwenn detay espesifik.

12. Èske mwen ka anile patisipasyon pitit mwen nan Pwogram Ekonomize pou Inivèsite a (Save for College Program) apre delè Notifikasyon pou Pa Patisipe a?

Wi, ou ka anile patisipasyon pitit ou a apre ou fin enskri. Ale sou nyckr.org/NYCPS pou jwenn detay ak enstriksyon espesifik.

13. Kijan estati imigrasyon m afekte kapasite m pou m patisipe?

Li pa afekte l! Tout elèv ki elijib ka patisipe nan Pwogram Ekonomize pou Inivèsite (Save for College Program) nan kèlkeswa estati imigrasyon yo.

Fanmi yo **pa** bezwen bay yon Nimewo Sekirite Sosyal (SSN) oswa Nimewo Idantifikasyon Fiskal Endividyèl (ITIN) pou pitit yo a enskri nan pwogram lan epi pou l resevwa yon Kont Bousdetid NYC (NYC Scholarship Account).

Sepandan, lè w ap reflechi pou w louvri yon kont epay pou inivèsite ak karyè ke w posede pou avantaj pitit ou a pou ekonomize ansanm avèk Kont Bousdetid NYC (NYC Scholarship Account) lan, tanpri, sonje ke opsyon kont epay yo egzije swa yon SSN oswa yon ITIN pou w louvri l. Anplis de sa, si w chwazi louvri epi konekte yon kont NY 529 *Direct Plan* kòm opsyon kont epay ou, ou dwe satisfè definisyon Sèvis Revni Entèn (Internal Revenue Service, IRS) pou yon sitwayen ameriken oswa rezidan pèmanan ki gen yon adrès ki verifye nan peyi Etazini.

Ou **pa** oblije louvri pwòp kont ou pou pitit ou a ka resevwa Kont Bousdetid NYC (NYC Scholarship Account) gratis ke NYC Kids RISE kreye epi jere sou non pitit ou a.

14. Nan ki fason lè w genyen yon Kont Bousdetid NYC (NYC Scholarship Account) sa afekte kalifikasyon pou benefis piblik yo?

Poutèt se NYC Kids RISE ki posede epi jere Kont Bousdetid NYC (NYC Scholarship Account) yo, genyen yon kont bousdetid **pa** gen enpak sou aplikasyon yon elèv oswa fanmi l pou benefis piblik. Si yon fanmi ekonomize lajan sou pwòp kont depay pou inivèsite ak karyè pwofesyonèl li, aktif sa a ka gen enpak sou yon seri benefis. Pou jwenn plis enfòmasyon sou kòman lè w kontribye sou pwòp kont depay pou inivèsite ak karyè w, sa kapab gen enpak sou avantaj ou yo, ale sou sitwèb nyckr.org/infomaterials-faq epi telechaje feyè “Pwogram Ekonomize pou Inivèsite a ak Avantaj Piblik yo” (The Save for College Program and Public Benefits) pou jwenn plis enfòmasyon.

15. Nan ki fason lè w genyen yon Kont Bousdetid NYC (NYC Scholarship Account) sa afekte kalifikasyon pou èd finansye?

Poutèt se NYC Kids RISE ki posede epi k ap jere Kont Bousdetid NYC (NYC Scholarship Account) yo, si yon elèv gen yon kont bousdetid sa **pa** gen enpak sou kalifikasyon yon elèv pou l resevwa èd finansye pandan lajan ansou kont lan. Lè pitit ou ap pre rive nan lè pou inivèsite ak fòmasyon pwofesyonèl, NYC Kids RISE ap bay plis enfòmasyon sou fason itilizasyon lajan ki sou kont bousdetid la pou edikasyon pitit ou a ka afekte kalifikasyon l pou l resevwa èd finansye lè lajan an depanse. Ka gen enpak, ka pa genyen.

Si yon fanmi ekonomize lajan sou pwòp kont depay pou inivèsite ak karyè pwofesyonèl li, ekonomi sa yo ka gen enpak sou pakè èd finansye elèv la. Pou plis enfòmasyon sou fason ke kontribiye sou pwòp kont depay pou inivèsite ak karyè w ka gen enpak sou kalifikasyon elèv ou a pou l resevwa èd finansye selon règ aktyèl sou èd finansye yo, vizite nyckr.org/infomaterials-faq epi telechaje feyè “Pwogram Ekonomize pou Inivèsite a ak Enpak li sou Èd Finansye Alavni” (The Save for College Program and Impact on Future Financial Aid) pou jwenn plis enfòmasyon. Tanpri, sonje ke règ sou èd finansye sa yo chanje souvan ofiramezi tan ap pase.

16. Èske bousdetid sa a pral entèdi pitit mwen an resevwa lòt bousdetid alavni?

Genyen yon Kont Bousdetid NYC (NYC Scholarship Account) ak resevwa Bousdetid Kominotè (yo) atravè Pwogram Ekonomize pou Inivèsite (Save for College Program) NYC Kids RISE la pa ta dwe anpeche pitit ou a benefisye lòt kalite bousdetid atravè lòt pwogram ak òganizasyon alavni, byenke sa ka depann de kondisyon lòt bousdetid sa yo. Tanpri, analize kondisyon bousdetid sa yo.

17. E si pitit mwen an pa ale nan inivèsite?

Si yon timoun nan Pwogram Ekonomize pou Inivèsite (Save for College Program) nan pa nan kolèj oswa inivèsite, lajan ki sou Kont Bousdetid NYC (NYC Scholarship Account) li a kapab toujou sèvi pou peye frè ak depans ki kalifye yo nan lekòl komès ak lekòl pwofesyonèl yo, pwogram aprantisaj ki elijib yo, ak pwogram anliy ki bay diplòm yo. Si yon elèv nan Pwogram nan pa reklame lajan ki sou Kont Bousdetid NYC (NYC Scholarship Account) li a pou li kouvri depans pou edikasyon siperyè ki kalifye yo nan nenpòt enstitisyon elijib nan lespas 20 lane apre li fini jadendanfan, alèkile lajan sa a pral retounen jwenn NYC Kids RISE pou li kapab sipòte pwochen elèv ki nan Pwogram Ekonomize pou Inivèsite (Save for College Program) nan.

JWENN PLIS ENFÒMASYON: Pale ak lekòl pitit ou a oswa kontakte NYC Kids RISE nan 833-543-7473 oswa info@nyckidsrise.org oswa ale sou sitwèb nyckidsrise.org.

NYC Kids RISE se yon òganizasyon ki pa gen kòm objektif pou fè pwofi k ap travay ak Vil New York la ansanm ak Lekòl Leta Vil Nouyòk (Depatman Edikasyon NYC) pou jere Pwogram Ekonomize pou Inivèsite a (Save for College Program).

Pwogram Ekonomize pou Inivèsite (Save for College Program) NYC Kids RISE la se yon pwogram bousdetid ak epay ke NYC Kids RISE Inc., yon òganizasyon ki pa gen kòm objektif pou fè pwofi, jere nan patenarya ak Depatman Edikasyon NYC (NYC Department of Education) ak Vil New York la.

NYC
KiDS RiSE™
Save for College
Program

nyckidsrise.org



info@nyckidsrise.org
833-543-7473

@nyckidsrise

